

歐北集

第十二
函十冊

甌北集卷三十四

辛亥

陽湖 趙翼 雲崧

西壩前輩七十壽詩

燈節纔過月未斜長筵燕喜泛流霞
廿科臺館真前輩兩世蓬瀛有幾家
稷下荀卿推祭酒城南韋曲擅名花

新買別業在城南

稱觴恰好添佳話桃李門前到使車

巡禮查映山爲公門下士

帝識臣家住舊城讀書氣味老逾清
和詩不肯爲降將

飲酒常嫌對老兵

每與同人酬唱必數疊韻近且又謝絕宴會皆實事也

九曲湘猶歌惠澤

前曾觀察湖南

二分月每助吟情蒲輪故事看他日會見耆儒對

邇英

彥兒完婚

花燭交輝又一時男婚已畢女猶遲如何垂白龍鍾叟
頻向名山展限期

咏火

五行性各殊惟火最英烈遇剛必柔之汁金而灰石又
使柔者剛淖泥炙成甕所秉只陽明陶鑄見神力古來
豪傑流誰不本此德不爾當艱鉅何以有豎立奈何世
風趨脂韋日成習徒誇圓而神已愧生也直所以有志
士耿耿一腔熱與爲劉棉彈寧作石爆裂

忽夢鎮安舊遊

廿載蕭閒林下身何緣重夢日南春山多盤古年間樹
俗是華胥國裏人朱邑葬桐乘後約歐陽思穎記前因

只慚我自難忘處未必民猶念我頻

借兒衣見客戲筆

我性愛樸素尙有官時衣兒輩偶出門或來借一披及
兒旣婚娶各裁紅女絲我出揖貴客乃反一借之俯仰
十年間奢儉頓異規家風已如此家運概可知

遊隨園題壁

名園欲訪屢愆期到及梅花正滿枝惟恐長爲門外漢
特來親賦畫中詩林亭曲折文人筆牆壁淋漓幼婦詞
名滿九州身一壑輞川莊遂屬王維

結構憑何粉本摹危欄絕磴路縈紆峰迴巧作東西崦
水複流爲裏外湖喬木十圍人共老名山一席客爭趨

國才集
卷十四
問渠何福能消受四十年來住畫圖

謁補山制府奉呈

三江行省駐蜺旌

帝爲南邦簡老成令肅百城無墨吏官高一品尙書生
迴瀾力大關風氣霽月光澄見性情騎竹兒童扶杖叟
何人不識玉壺清

敷歷崇班廿載長濟時偉略益恢張潯公精力逾年少
韓尉勲名重晚香地步獨爭千仞壁子孫自有百株桑
封疆入相尋常事要看他年史冊光

鬚髯纔蒼面渥丹天人姿稟世驚看望高已共尊三老
才大疑兼用五官餘事作詩還倚馬殊方著錄有騷變

范石湖帥男時曾著駢字錄公官邸相似故借用之

始知佛說神通現樓閣華嚴一指彈

演微點疆忝弟昆雲泥猶荷念寒溫書來問訊皆親筆

話到存亡有淚痕

謂經略傳文忠公

庾信自傷枯樹賦鄭公還訪

洗花村

公過常州枉訪做廬

趨承能不心傾盡半爲勲高半誼敦

所見

登徒縱好色不愛白髮婆奈何六十翁千金買青娥燈
下見粲者典酣方顏酡豈知對面人已窺兩髻皤芳情
早不屬暗滴紅淚多此復有何歡盍誦斧伐柯

美人風箏

誰家掌上 一嬋娟飛入 高空艷影 翩風送幾疑天賜女

鄴陵川集有天賜夫人詩風吹羊氏女至梁家爲妻

雲遊不作地行仙尙嫌絲索鞦韆短

漫北朱絲傀儡牽月在星娥應共語新添好伴絳霄邊
步虛仙子脫塵鞿身駕春風上太微一去如飛疑何女
任吹不動笑環妃月燭近恰爲粧鏡霞綺鮮仍貼舞衣
當日臺城倘煩汝有闕氏亦解重圍

天路無梯一線通冶遊最好趁春融但愁神女來行雨
恰喜封姨肯借風糊上薛箋身絢爛製成湘竹骨玲瓏
雲霄曳履男兒事何許弓鞋曾躡空

嬌姿只合繡幃藏何事凌虛露靚粧豈是飛瓊來下界
不煩窺玉上東牆多情尙繫絲千尺薄命休啞紙半張
一片夕陽鴉鵲舞也如蜂蝶逐衣香

肉飛棘得幾多年白日昇天謝自然直上以追奔月女

孤行肯逐御風仙方成唾漫驚飛燕徵側魂應化跼鳶
羅襪無塵香界迥雲中君本楚騷傳

五鉢衣薄太風流細骨輕軀稱遠遊挽住尙煩紅線手
倦飛或墜綠珠樓尙愁高處寒難忍直恐仙乎逝不畱
添个風琴傳逸響珊珊恰作佩聲幽

附和詩

吳錫麒

眼有此身信嬋娟彷彿驚鴻態度翩天未懷時愁渺
渺掌中放出舞仙仙惺忪夢雨三生妬宛轉情絲一
縷牽多謝兒童相送起裙腰芳草畫橋邊

蛾眉莫怨受人轡如此吹噓力不微活活雲先迎楚
女珊珊骨亦借湘妃騰騫細擘畱仙縐冲舉新披八

道衣較得西施幾。文值錫簫聲裏看場圍。

心事箋天脉脉通游絲。暗裊曉光融。沉魚定誤姮娥影。顛鵲翻連少女風。咳唾不爭珠錯落。珮環能響玉玲瓏。息肌乞得神方好。撒手居然上碧空。

凌虛何處許遮藏。轉側時呈半面粧。玉宇高寒矜翠袖。銀河清淺阻紅牆。旋移霧質迷三里。慣弄霞機竇九張。指點雁程餘字在。練裙濃染墨生香。

也如團扇隔經年。重曳東風意渺然。千里飛身前出塞。九霄結伴小游仙。翩翹體自輕於燕。戍削肩還瘦似鶯。脂粉畫家塗抹慣。清明一幅上河傳。

年華太息逐波流。爭得煙雲幾日遊。落拓只防龍出

昔登臨除是蜃爲樓衙城路遠何從匿月窟人孤未
可畱百文相思收線早夕陽春掩小門幽

吳門晤西莊竹汀

握手相看髯各皤那禁老子此婆娑後來良晤知猶幾
海內名流漸不多世以博聞推敬皤天畱微疾養維摩
二公皆
有疾明簪最羨居相近同在吳門步履過

反矐目篇壽西莊七十

好書如好色遇輒與目成當其悅心處不減對傾城所
以耽文史亦名爲書淫淫則必有罰咎惟兩目任先生
採浩博萬卷羅縱橫晝竭一線晷宵燼五寸檠有如訪
佳麗欲通姬姜麻乃招天公妬強奪雙青睛有花使霧

看無燭使夜行謂可示孽報陳編難披尋豈知旨其目
不能旨其心翻令收視中覃思益專精照幽慧燈朗記
事胸珠明益掩且射覆鏡聽兼卜聲遂比那律多冥觀
洞八瀛天公顧而笑困之乃益亨由來禁好色莫禁相
思情還他正法眼炳燭追荀卿拔釘滓速去刮銚翳弗
縈依然兩清臚秋水光盈盈宋艷消永日黃嬾娛深更
直至方瞳年巖電常晶熒

題漕使查映山侍御學書圖

捉襟太好奇濡頭亦作顛惟有雅人致含毫意邈然先
生金閨珍臨池數十年絹必書始染硯因磨欲穿古香
寶晉墨重價收唐箋卓然自成家健筆凌雲烟官榜屬

亭誕殿壁資誠懸虛懷乃自下猥曰願學焉作圖寄清
與白描倩龍眠疎梧蔭高齋揮翰何翩翩尺幅百丈勢
雙腕千鈞權想見心手調神行貫中邊擁節來揚州行
臺依老禪令肅政多暇楷法彌精專丐書戶屢滿不取
潤筆錢一笑公清絕筦漕百萬船翻寫乞米帖佳話良
可傳

蝦簾四十韻

海上奇聞過瑞簾蝦鬚數尺可爲簾鞠躬曾彷彿翁釣
借日常爲水母覘趯躍螽身無兩翅屈伸螳臂有雙鉗
槎枒芒刺森頭角戈戟鋒稜在鼻尖玉德名從樽俎錫
水精肉耐酒醯醢味鮮已擅調羹獨軀壯還堪製器兼

松作燭籠輝。祇室鑲成杯。盞入香奩斯。皆取用。憑空殼。
未及搜材到。美髯蝟。磔英姿。爲世出。抵根勇。力肯身潛。
長髻宛似揚旌旆。剛鬣寧徒佐金鬻。高出一頭標蠹蠹。
苗從雙頰奮。鬚鬚鬚。眉豈慕奇男。表頤頤。曾聞贅。婿嫌。
粗未成竿晴浪曝。細堪作線綺。臆拈遂煩恤。緯成懸箔。
不用斑筠掛畫檐。將處本無纏以帛。拔來豈惜痛如砭。
縱橫入扣規。棋卦疎密成行結。絲綾織。豈蠶娘機。軋軋。
編應螺女手。摻摻卷舒軟。恰隨犀軸條。樓分如界象。籤。
方幅鮫綃雲霧薄。圓空蛛網蝶蜂粘。障他下界飛塵沓。
捲去西山過雨霰。晝靜香常籠。寶鴨夜明光。欲奪銀蟾。
細逾晶髮能延照。潔比冰絲好辟炎。最喜通明觀若火。

只難藏醜隱無鹽草痕映入風仍隔花影移來露不霑
何必蚌珠穿作幌漫勞魚錦繡成帘題詩聊當紗籠碧
養日微輸皂幃黔雨濺似涵腥氣濕風搖仍漾水紋恬
貢從龍國途何遠購自雞林價不廉玳瑁梁歸妨舞燕
琉璃壁逗誤飛蟾多髭女面勞千鍼有縫天衣貴萬縑
紅玉筯同工製作紫絲幃且遜觀瞻押來銀蒜禁風剪
掛起金鈎對月鐮掩映芙蓉宜綺閣低垂楊柳笑窮閭
玲瓏合護妝臺李寂寞寧依卜肆嚴蔽席門憐編翠篠
織蘆人愧緝蒼葭五紋繡枉誇雲幔四望車空炫錦幃
迴憶奮鰓遊浩蕩何如作笛出沉淹取材翹肖真成巧
得氣于思不用謙功賽麟毫精組織珍逾蚊睫絲修織

瑤樓玉宇高懸處
朗映瞻曦曉日暹

滁陽王廟

英雄奮草昧其始必有藉子興起濠州烏合本無賴養
女得贅婿真主乃帳下豈擅呂公相已兆李淵射當時
羣雄中地小未敢霸身危德崖執勢弱均用跨庸知一
蹄泐神龍於此化因茲一旅師遂起莫華夏後嗣雖被
誅先資實曾借所以滁陽封不敢徐常亞後來恩澤延
猶及郭老舍事往四百年廟祀久已罷沉沉數頤王父
老尙矜詫

清流關

峩峩清流關鑿翠孰椎斧一夫瞋目當可却萬貌虎天

險與人傑相遇出建豎南唐守壽春扼此作壘戶宿師
十五萬警備嚴旂鼓北兵歌檀來嘒嘒如風雨夾馬有
真人先此試采阻交綏偶失利何以警淮浦西澗夜半
泗攀堞月未吐直擣郡治牙一劒落皇甫勝勢乘破竹
都監亦被擄堂堂兩大將一朝繫雙組遂盡淮南地晝
江作邊圉當時立奇勳戮力王事監豈知日後觀似自
拓疆土所以端命殷奕禩誌皇武開邊渡瀾滄得國承
杜宇事變萬不常固難一例數我來一經過陳迹久榛
莽時清無戍旗民晏各安堵山高而水深邈然坐懷古
大柳驛相傳爲趙韓王授徒處
館師封王齊博士後有宋相繼前軌大柳驛邊老學究

家塾聚徒擁烏几身爲儒乃術不儒奇計居鄴智樗里
火輪小兒未爲帝勲名最是入滁偉首塗募得李左車
軍籌敬聽發蹤指滁州城西蘆子虬趣使潛度勿移晷
半夜遂成懸瓠擒膽落金陵東海鯉佐命功高自此基
帷幄叅謀契魚水陳橋變後作首相十年前一村夫子
遇同卧龍岡下奇跡挂抱犢山人詭眷深不諱瓜子金
權重咸知鼎鑄耳半部魯論佐天下猶似不忘兔園紙
書味終淺機心深歷事兩君保終始金滕自明家相緘
桐圭竟擠介弟死嗚呼一代元勲勒太常千秋公論歸
青史磨盤山前訪遺迹門巷已非村落是惟有村童讀
書聲都都平丈喧不已